

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 52. stav (4) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), na prijedlog Ministarstva za privredu, Vlada Zeničko-dobojskog kantona, na 118. sjednici, održanoj 18.02.2026. godine, d o n o s i

ZAKLJUČAK

o usvajanju Izvještaja o realizaciji Programa utroška budžetskih sredstava od koncesija Ministarstva za privredu u 2025. godini - Izvor 30 za period I – XII 2025. godine

I.

Usvaja se Izvještaj o realizaciji Programa utroška budžetskih sredstava od koncesija Ministarstva za privredu u 2025. godini - Izvor 30 za period I–XII 2025. godine, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/26
Datum, 18.02.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za privredu,
1x Ministarstvo finansija,
1x a/a.



IZVJEŠTAJ
O REALIZACIJI PROGRAMA UTROŠKA
BUDŽETSKIH SREDSTAVA OD KONCESIJA
MINISTARSTVA ZA PRIVREDU U 2025. GODINI-IZVOR 30
za period I – XII 2025. godine

Zenica, februar 2026. godine

IZVJEŠTAJ
O REALIZACIJI PROGRAMA UTROŠKA
BUDŽETSKIH SREDSTAVA OD KONCESIJA
MINISTARSTVA ZA PRIVREDU U 2025. GODINI-IZVOR 30
za period I – XII 2025. godine

Izrada Programa utroška budžetskih sredstava od koncesija Ministarstva za privredu u 2025. godini-Izvor 30 propisana je članovima 48. i 52. stav 1. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25).

Budžetom Zeničko-dobojskog kantona za 2025. godinu, („Službene novine Zeničko-dobojskog kantona“, broj: 25/24, 12/25 i 23/25) odobrena su finansijska sredstva u ukupnom iznosu **3.350.000,00 KM** (slovima:trimilionatristotinedesethiljada konvertibilnih maraka) utvrđena na slijedeći način:

- ekonomski kod 615 100 (IAD002)- pozicija „Kapitalni transferi drugim nivoima vlasti“- Izvor 30 u iznosu 800.000,00 KM,
- ekonomski kod 613 900-pozicija „Ugovorene i druge posebne usluge“, odnosno subanalitika (IAD002)-pozicija „Ostale ugovorene usluge- Realizacija projekata Vlade koji se finansiraju iz prihoda od koncesija“-Izvor 30 u iznosu 25.000,00 KM
- ekonomski kod 613 900-pozicija „Izdaci za komisije, zastupnike i druge samostalne djelatnosti“-Izvor 30 u iznosu 25.000,00 KM,
- ekonomski kod 614 100-pozicija „Tekući transferi drugim nivoima vlasti“, odnosno subanalitika (IAD001)-pozicija „Tekući transfer općinama po osnovu prihoda od koncesija“-Izvor 30 u iznosu 2.500.000,00 KM.

U skladu sa navedenim, Ministarstvo za privredu donijelo je Program utroška budžetskih sredstava od koncesija Ministarstva za privredu u 2025. godini-Izvor 30 koji je Vlada Kantona usvojila Odlukom, broj: 02-11-4955/25 od 14.03.2025. godine.

U periodu I – XII 2025. godine po ovom Programu utrošena su sredstva u ukupnom iznosu **2.541.376,20 KM** na slijedeći način:

- 1) Za sufinansiranje troškova troškova organizacije, izgradnje poslovnih zona i otkupa zemljišta u svrhu uspostavljanja/proširenja poslovnih zona na području Zeničko-dobojskog kantona, planirana su sredstva u ukupnom iznosu 800.000,00 KM, a utrošena u ukupnom iznosu **700.000,00 KM**, kako slijedi:

R.br.	OPĆINA/GRAD	POSLOVNA ZONA/ PROJEKAT	IZNOS ODOBRENIH SREDSTAVA /KM/
1	Zenica	"Zenica-Jug"-„Izgradnja kružne raskrsnice na ulazu u zonu	100.000,00
2	Zavidovići	"Majdanska polja"-„Sanacija cestovne infrastrukture u zoni“	100.000,00
3	Tešanj	"Ciglane-Glinište"- "Sanacija saobraćajnice, trotoara i javne rasvjete u zoni"	100.000,00
4	Žepče	"XP Žepče"- "Sanacija cestovne infrastrukture u zoni"	100.000,00
5	Usora	„Ularice-faza III“-„Izgradnja prometnice u zoni“	100.000,00

6	Olovo	„Golubište-Pilana-faza III“- Izgradnja putne infrastrukture i hidroinstalacija u zoni"	100.000,00
7	Maglaj	"Novi Šeher-"Otkup zemljišta radi izgradnje zone"	100.000,00
UKUPNO (KM)			700.000,00

- 2) Za provođenje postupka dodjele, nadzora i realizacije koncesionih ugovora (obuhvata i kontrolna geodetska snimanja) planirana su sredstva u ukupnom iznosu 50.000,00 KM, a utrošena u ukupnom iznosu **24.496,46 KM**.
- 3) Odlukom Vlade Kantona o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija ("Službene novine Zeničko-dobojskog kantona", broj: 1/13 i 11/22) regulisano je da se naknade po osnovu potpisanih koncesionih ugovora raspoređuju na način da omjer 70% prikupljenih sredstava pripada općinama/gradovima (JLS) na čijoj teritoriji se nalazi koncesiono polje, a 30% Kantonu. Navedeni omjer 70% od prikupljenih sredstava isplaćuje se JLS i evidentira na poziciji "Tekući transfer općinama po osnovu prihoda od koncesija". Za predmetnu poziciju planirana su sredstva u ukupnom iznosu 2.500.000,00 KM, a utrošena u ukupnom iznosu **1.816.879,74 KM**.

Shodno navedenom, u periodu I – XII 2025. godine po ovom Programu utrošeno je ukupno **2.541.376,20 KM**.

MINISTAR

Samir Šibonjić